

Schituur zum Rengghorn

Samstag, 21. Januar 2023 (Aschi E.)

Ä gruppe vo 7 persone het sich am samsti morge bim schipeizli vo saxete troffe um mit üsne toureleiter béatrice willa und daniel mignot richtig rengghorn loszmarschiere. bi guete aber chaute bedingige isch der ufstig nid auzu steil richtig renggpass under d schi gno worde. Äs si insgesamt nid auzuvu turegänger i däm gebiet unterwägs gsi. Eigentlech schad,isches doch o zum abefahre äs gäbiges schigländ. Nach der erschte verpflegigspouse isch der ufstig bis mittelbärg züigig erreicht gsi. Dert het d gruppe entschide wüu d sicht chli diffus isch worde nid richtig renggpass, sondern dä schön hang bis ungers morgebärghorn ufzstige. Bi dene temperature u wind hei mir züigig d fäll abgnoh u si i däm wunderbare puuverschnee abefahre richtig saxete. Unterwägs no ä mittagshaut u de witer mit ziu schipeizli! Da der poschifahrplan nid so grossartig isch hez no guet glängt für spis u trank, u o die wo gärn ä jass chlopfe si no uf ihri rächnig cho.



Danke béatrice u daniel für die organisatsion u kompetänti leitig.
teilnähmer: béatrice, daniel, carla, catherine, bettina, kai u ig , der aschi.

